

per persunas d'instrucziun, mainascolas e cussegls da scola



Nr. 1 2019/20

Part generala

Archivaziun dals attestats

Sin ils 1. d'avust 2019 ha l'uffizi relaschà directivas impignativas davart l'archivaziun da las datas dals attestats da la scola populara. Las directivas remplazzan il fegli d'infurmaziuns davart il diever da las datas da l'attestat da las scolas popularas e da pedagogia speziala tge è vegnì elavurà l'onn 2006. Las directivas èn da chattar sin la pagina d'internet.

[Directivas archivaziun attestats](#)



Examen da recurs 2019

15 scolaras e scolars (ca. 1% da las scolaras e dals scolars da la 6avla classa) han absolvi l'examen da recurs la fin da l'onn scolastic 2018/19. Nagin n'ha reussì l'examen. In quest lieu engrazia l'inspecturat da scola a tut las persunas involvidas en la procedura d'admissiun. Grazia a lur buna valitaziun complessiva ed a lur fiduzia tar geniturs ed uffants haja dat er quest onn pacas annunzias per l'examen. Dapi onns constatain nus ina reducziun cuntinuanta da las annunzias per l'examen da recurs.

Matematica sec I

La chasa editura per meds d'instrucziun ZH ha publitgà en zercladur 2019 in nov "Arbeitsheft top" inclusiv soluziuns e fil cotschen pel rom matematica. Il quadern da lavur cumpiglia ils stgalims da competenza che surpassan la competenza da basa dal PI21 GR per 7 e 8avla classa. El po vegnir duvrà a moda multifara, p.ex. per la promoziun da talents, per metter accents individuals dal rom "individualisaziun" ubain sco preparaziun per examens d'admissiun. Il quadern po gnir retratg a partir da subit pro la chasa editura per mezs d'instrucziun GR.

[Matematica top](#)



Verificaziun talian primara

La grupp accumpagnanta pel rom talian in primara (be per scolas tudestgas) ha publitgà per la fin da zercladur 2019 (fin da l'onn da scola) la verificaziun actuala:

5avla cl.: Amici d'Italia 1, fin da l'Unità 1, pagina 25

6avla cl.: Amici d'Italia 1, fin da l'Unità 4, pagina 63

La 1. classa dal stgalim secundar cumenza cun l'Unità 5. Autras indicaziuns sco era ulteriurs fegls d'infurmaziun sa chattan sin la pagina d'internet.

[Roms stgalim primar](#)



Barat e mobilitad

Il chantun Grischun sustegna e promova gia dapi onns il barat tranter ils intschess linguistics. In element central dal concept es il meglier sustegn per magistras e magisters. La pagina d'internet da l'USS/AVS cumpiglia in rubrica "Barat e mobilitad". Tranter oter sa chatta là er ideas per activitads cun scolaras e scolars, musters da programs, links per tschertgar alloschis, material per l'instrucziun ed otras offertas nizzaivlas. L'offerta vegn examinada ed adattada cuntinuantamain sin basa da resuns, experientschas e basegns da las magistras e dals magisters.

[Barat e mobilitad](#)



Stellwerk

Durant l'onn da scola passà avain nus constatà in augment considerabel dal diever da Stellwerk sco med da verificaziun.

Il tool cumprovà è surtut adattà pel nov rom "individualisaziun". Ulteriuras indicaziuns latiers sa chattan en il manual "Didactica ed organisaziun 3. classas sec I".

[Manual](#)



Exposiziun preistorgia

Las localitats da l'exposiziun didactica a Cuiria sun vegnidas sanadas durant l'onn 2018 ed avertas danovamain. L'offerta sa drizza a scolaras e scolars da la 3.-6avla classa. Localitats pon vegnir reservadas a cundiziuns favuraivlas. Il chantun sa participescha vi da las spensas da viadi. Ulteriuras infurmaziuns sa chattan en l'aggiunta 1 ubain sin la pagina d'internet.

[Exposiziun preistorgia](#)



Di da l'avegnir

Ristgar da midar la vart en occasiun dal di da l'avegnir e gudagnar fr. 1'000.- pro la concorrenza da video!

Mats tschernan per il solit professiuns tipicas per mats, mattas per il solit professiuns tipicas per mattas. Sche l'orizont da la tscherna da professiun vegn schlargià san mattas e mats gudagnar bler. Il di da l'avegnir dals 14 november 2019 motivescha als giuvenils ed a las giuvenilas da scuvrir la diversitad dal mund professiunal. Scolaras e scolars san documentar sin video co ch'els midan vart e gudagnar fr. 1'000.- per la chascha da classa. Quest es ina bun'ocasiun per elavurar ils moduls "medias ed informatica", "orientaziun professiunala" dal PI21 GR ed er il tema da FSP (furmaziun per in svilup persistent) "schlat-tainas ed egalitad" da maniera concreta.

www.nationalerzukunftstag.ch

www.chancengleichheit.gr.ch



Premi LISSA 2020

Il "Premi LISSA" es ina concorrenza che undrescha a scolas che mettan pais sin la promoziun da fermezzas e duns. Quest onn vegn surdat quest premi per la dieschavla giada. Fin ussa sun vegnidas undradas duas scolas grischunas. Il termin d'annunzia dura fin ils 31 schaner 2019.

[Premi LISSA](#)



Cun amiaivels salids

Andrea Caviezel, manader inspecturat da scola

Part regionala

Termins

Giudicament d'admissiun 2020

Decisiun d'assegnaziun provisorica: 24 schaner 2020

Decisiun d'assegnaziun definitiva: 17 avrigl 2020

Examen d'assegnaziun: 26 / 27 mai 2020

Procedura d'assegnaziun



Termins d'evaluaziun 2019/20

scola	termin
Arosa	20 sett. – 26 sett. 2019
CS-SS Panaduz-Razén	28 oct. – 1. nov. 2019
CS Tumleatga Dadens	25 nov. – 29 nov. 2019
CS SS Val d'Alvra	3 favr. – 7 favr. 2020
Churwalden	9 mars – 13 mars 2020
Seglias	20 avr. – 24 avr. 2020
Scola speziala chasa da terapia Fürstenwald	11 matg – 15 matg 2020

Occurrenza per cussegls da scola atun 2019

Nus envidain als presidis e commembers dal cussegl da scola a l'occurrenza per cussegls da scola. Persunas che han interess duain prenotar il termin. In envid personal cun la glista da tractandas suonda bainbaud.

scola	termin, lieu, temp
Cuiria, Arosa, Maladers, Tschierschen-Praden, Churwalden, Panaduz, Razén, CS SS Panaduz/Razén, Tusaun, Masagn, Cazas, Tumleatga, Farschno, CS Mantogna Superiura, Seglias, Scharàns, Schons, Avras, CS Tumleatga Dadens, CS Val dal Rain, CS SS Val d'Alvra, CS Belfort Dadens, Surses, CS Alvra Dafora, Bravuogn Filisur, Vaz	Mardi, 29 october 2019 Aula, Scola Razén 19:00 – 21:00 h

Responsabladad inspecturat districtual

Ils temps da biro sco era las responsabladads sa chattan sin l'annex dus da quest scriver.

[Organisaziun inspecturat Plessur-Grischun central](#)



Nus gjavischain a tuts in bun onn da scoula 2019/20. Nus sa legrain sin la buna collavuraziun cun vus.

Christina Nigg, Jachen Andri Buchli, Philipp Hugentobler e Daniela Zanelli, Inspecturat Plessur-Grischun Central

